

## **Sango - Atourougou Mbeti ti Nzapa - Soldiers Scriptures**

### **Ephèse 6:10-18**

- 10 Mbeni tene a yeke, i kpingba na ya Seigneur, na ya ngangou ti ngangou ti Lo.**
- 11 I you ye ti bira ti Nzapa koue, si i lingbi louti ti ke mayele ti djabalo.**
- 12 Teti ani tiri na mi-tele na mene pepe, mais ani tiri na akodjo-guele-ti-commandé, na ayanga-ti-commandé, na ala so a commandé bingo ti sesse so, na ayingo sioni ti yayou.**
- 13 Teti tene so, i kamata ye ti bira ti Nzapa koue, si i lingbi louti ti gbo ngangou na la ti sioni, na tonga na i sala ye koue aoue, i louti.**
- 14 Tonga so i louti, i kanga tene-biani tonga na ceinture na mbounda ti i, i you mbilimbili tonga na bongo ti ouin na libe ti i,**
- 15 i you Tene-ndjoni ti siriri tonga na poro na guele ti i;**
- 16 na i ho ye so koue, i kamata vala ti mabe, na legue ti vala so fade i lingbi mingo akondoro ti oua koue ti ouato-sioni.**
- 17 Na i kamata casque ti salut, na épée ti Yingo, so a yeke Tene ti Nzapa.**
- 18 Na sambela koue na houndango mingui, i sambela na ngoy koue na ya Yingo, i bata legue ni na be so a djia la oko pepe, i hounda mingui teti ajo ti be-voulou koue,**

### **Psaume 91**

- 1 Lo so a douti na ndo ti lîngo ti Lo Ti Ndouzou Aho Koue, Fade lo douti na gbede ti Lo Ti Ngangou Aho Koue.**
- 2 Fade mbi sala tene ti L'Eternel, Lo yeke Ndo Ti Bata Tele timbi na Gbada Ti Bira ti mbi; Nzapa ti mbi, Lo so mbi djia be ti mbi na Lo.**
- 3 Teti fade Lo dji mo na son so jo a leke ti gbo mo na ni, Na Lo dji mo na ya sio kobela so a fouti kodro.**
- 4 Fade Lo honde mo na gbe ti kpangbi ti Lo; Na gbe ti kpangbi ti Lo, fade mo ouara ndo ti bata tele ti mo; Tene-biani ti Lo a yeke vala na kota vala.**
- 5 Fade mbito a sala mo pepe teti ye so a mou mbito na bi, Ouala teti kondoro so ala pika na la,**
- 6 Ouala teti kobela ti fouti kodro so a tambela na ya bingo, Ouala teti ye ti fouti so a fouti ye na kota la.**
- 7 Fade ajo koutou oko a ti na tele ti mo, Na ajo koutou balioko a ti na koti ti mo; Mais fade a ga ndoulou na mo pepe.**
- 8 Fade mo ba founti aouasiokpari, Fade mo ba gui na le ti mo.**
- 9 Teti Mo, O L'Eternel, Mo yeke Ndo Ti Bata Tele ti mbi. Mo sala si Lo Ti Ndouzou Aho Koue A ga ndo ti douti ti mo;**

- 10 Fade sioye oko a ga na ndo mo pepe, Ouala kobela oko ti foute kodro a ga ndoulou na tente ti mopepe.**
- 11 Teti fade Lo oua a-ange ti Lo Ti bata mo na legue ti mo koue.**
- 12 Fade ala yo mo na maboko ti ala, Si mo pika guele ti mo na téne pepe.**
- 13 Fade mo tambela na ndo bamara na kônga, Fade mo doro pendere bamara na ngbo na gbe guele ti mo.**
- 14 Fadé Mbi sau lo tèti lo nodyè Mbi; Fadé Mbi ya lo na ndouzou tèti lo hinga iri to Mbi.**
- 15 Fadé lo di iri ti Mbi, na fadé Mbi kiri tèné na lo; Fadé Mbi yèké na lo na ya yé ti voundou; Fadé Mbi sau lo, na Mbi ya iri to lo.**
- 16 Fadé Mbi sala si fini to lo aouou mingui, alingbi na bè to lo, Na Mbi fa na lo salut to Mbi.**

### **Psaume 18**

- 1 Teti beli ti ajo ti sala bia. Psaume ti David boy ti L'Eternel, lo so a sala tene ti bia so na L'Eternel na la ni so L'Eternel A dji lo na ti ti aouato ti lo koue, na Lo dji Iona ti ti Saül. Lo tene:**
- 2 O L'Eternel, Ngangou ti mbi, mbi ndoye Mo.**
- 3 L'Eternel A yeke Kota Téné ti mbi, Gbada Ti Bira ti mbi, na Joti Dji mbi; Lo yeke Nzapa ti mbi, Téné ti mbi, fade mbi kpe na Lo ti batatele ti mbi; Vala ti mbi, Nza Ti Salut ti mbi, na Tour ti mbi so a yo nandouzou.**
- 4 Mbi di iri ti L'Eternel, Lo so A lingbi na yango-iri, Tonga so Lo sau mbi na ti ti aouato ti mbi.**
- 5 Kamba ti koui a ngourou mbi, Na moa ti ye ti kirikiri a mou mbito na mbi.**
- 6 Kamba ti ndo-ti-aouakinda a ngourou mbi, Son ti koui a gbo mbi.**
- 7 Na ya voundou ti mbi, mbi toto na L'Eternel, Mbi toto ngangou na Nzapa ti mbi; Na ya Temple ti Lo, Lo ma yanga ti mbi, Na toto ti mbi ti ngangou a si na gbele Lo, même na me ti Lo.**
- 8 Tonga so sesse a yingui na a do; Guele ti aphoto a yingui nga, Ala yingui teti ngonjo a gbo Lo.**
- 9 Gourou-oua a si guigui na douhon ti Lo, Oua so a gbi ye koue a si guigui na yanga ti Lo; Na le ti oua a loundou da.**
- 10 Lo sala si ayayou a zouxou nga, na Lo jou; Bingo so a voko mingui a yeke na gbe guele ti Lo.**
- 11 Lo tambela na ndo chérub na Lo oulou; Biani, Lo oulou na ndo kpangbi ti poupou.**
- 12 Lo sala si bingo a ga ndo ti honde tele ti Lo; Kpangba ti Lo a yeke bingo ti ngou, mbinda ti ndouzou so avoko.**
- 13 Ngandangombe na le ti oua a si guigui na ya mbinda ti Lo Na legue ti soungo so a yeke na gbele Lo.**

- 14 L'Eternel A toto tonga na bekpa na ayayou, Na Lo Ti Ndouzou Aho Koue  
A sala tene, Ngandangombe na le ti oua.**
- 15 Lo to kondoro ti Lo, na Lo touma aouato ti mbi, Lo bi gnekpa, na Lo  
kangbi ala kirikiri.**
- 16 O L'Eternel, na legue ti djingo ti Mo, Na legue ti poupou ti ngangou ti  
douhon ti Mo, A ba ndo ti ngou, Na guele ti sesse a yeke na guigui  
sengue.**
- 17 Na ndouzou, Lo ye ti ti Lo, Lo kamata mbi, Lo gboto mbi na guigui na ya  
kota ngou.**
- 18 Lo dji mbi na ti ti ouato ti mbi ti ngangou, Na ti ti ala so a ke mbi; teti ala  
ho mbi na ngangou.**
- 19 Ala ga na ndo mbi na la ti voundou ti mbi, Mais L'Eternel A yeke Lo so A  
bata mbi.**
- 20 Lo djia mbi na ndo so a yeke kota, Lo dji mbi teti Lo ouara nguia na ya  
mbi.**
- 21 L'Eternel A founta mbi alingbi na mbilimbili ti mbi; Lo founta mbi alingbi na  
maboko ti mbi so a yeke na sioni pepe.**
- 22 Teti mbi bata legue ti L'Eternel, Mbi sala siokpari pepe ti djia Nzapa ti  
mbi.**
- 23 Kpingba-tene ti Lo koue a yeke na gbele mbi, Mbi djia kpingba-ndia ti Lo  
pepe.**
- 24 Mbi lingbi koue na gbele Lo, Mbi bata si sioye ti mbi a commandé mbi  
pepe.**
- 25 Tonga so L'Eternel A founta mbi alingbi na mbilimbili ti mbi, Alingbi na  
maboko ti mbi so a yeke na sioni pepe na le ti Lo.**
- 26 Mo sala ndjobe na jo ti ndjobe; Mo sala ye so a lingbi koue na jo so a  
lingbi koue;**
- 27 Mo sala na legue ti be-voulou na jo so a yeke na be-voulou; Mo sala na  
legue ti mayele na jo so a yeke ouahanda.**
- 28 Mo sau ajo so ye ti voundou a sala ala, Mais Mo sala si fandara ti le ti  
ajo a ga kete.**
- 29 Mo sala oua na lampe ti mbi. L'Eternel Nzapa ti mbi a sala si lumière a  
sou na bingo ti mbi.**
- 30 Mbi kpe na ndo atourougou mingui na legue ti ngangou ti Mo; Mbi oulou  
na ndo gbagba ti bira na legue ti ngangou ti Nzapat mbi.**
- 31 Legue ti Nzapa a lingbi koue; A tara tene ti yanga ti L'Eternel, na a ga tâ  
tene; Lo yeke Vala ti ajo koue so a kpe na Lo ti bata tele ti ala.**
- 32 Jo gne a yeke Nzapa. A yeke L'Eternel pepe? Jo gne a yeke Téné. A  
yeke Nzapa ti ani pepe?**
- 33 Nzapa A you mbi na ngangou tonga na ceinture, Lo sala si legue ti mbi a**

**lingbi koue,**

**34 Lo sala si guele ti mbi a ga tonga na guele ti tagba, Na Lo djia mbi na ndo ti ndouzou.**

**35 Lo fa legue na mbi ti sala bira na maboko ti mbi, Si ti ti mbi a lingbi gboto nguindi ti guenguere.**

**36 Mo mou na mbi vala ti salut ti Mo, Na maboko ti koti ti Mo a gbo mbi; Ndjobe ti Mo a sala si mbi ga kota.**

**37 Mo sala si legue a ga kota na gbe guele ti mbi, Si guele ti mbi a zene pepe.**

**38 Mbi touma peko ti aouato ti mbi, na mbi ouara ala; Mbi kiri pepe juska mbi ouonje ala koue.**

**39 Mbi pika ala si ala lingbi loundou pepe; Ala ti na gbe guele ti mbi.**

**40 Mo you mbi na ngangou tonga na ceinture teti bira; Ajo so a loundou ti ke mbi, Mo bi ala na sesse.**

**41 Mo sala si aouato ti mbi a vi peko ti ala na mbi ti kpe, Si mbi lingbi fa' ala so a ke mbi.**

**42 Ala toto, mais jo ti sau ala a yeke oko pepe; Ala toto na L'Eternel, mais Lo kiri tene na ala pepe.**

**43 Mbi ne ala si ala ga tonga na poupou-sesse so poupou a ho nani; Mbi bi ala na guigui tonga na potopoto ti legue.**

**44 Mo dji mbi na ya tiri ti ajo; Mo sala si mbi ga beli ti amara. Mara so mbi hinga guiriri pepe a sala boy na mbi.**

**45 Tonga na tene ti mbi a si na ala, ala ma mbi; Amelengue ti aouande a zoukou na gbele mbi.**

**46 Amelengue ti aouande a ouoko koue, Tele ti ala a do tonga na ala si guigui na gbada ti bira ti ala.**

**47 L'Eternel A yeke! Djia ajo a sala tene-ndjoni na Téné ti mbi, Na ala ya iri ti Nzapa ti salut ti mbi,**

**48 Même Nzapa so A founta koula ti mbi, Na Lo sala si ajo a ma mbi.**

**49 Lo dji mbi na ti ti aouato ti mbi, Biani, Mo ya mbi na ndouzou aho ajo so a loundou ti ke mbi. Mo dji mbi na ti ti jo so a sala ngangou na jo.**

**50 Tonga so, O L'Eternel, mbi mou merci na Mo na popo ti amara, Na mbi sala bia ti sepala iri ti Mo.**

**51 Lo mou kota salut na gbia ti Lo, Na Lo sala ndjobe na jo ti Lo so a sa mafouta na li ti lo, Na David na a-ale' ti lo la koue.**